

OPTIEK
Oranjestad
San Nicolas

Spritzer Fuhrmann

ARUBA ANSE COURANT



Diario



pa Aruba



Schlitz
The Beer That
Made Milwaukee Famous

ANJA 22

DIABIERNE 16 DI JUNI 1961

Nr. 4062

pa prijs di mas barata cu tur caminda - comestible di mehor calidad y servicio sin igual

LA ESPERANZA — SUPERMARKETS

pueblo di Aruba, bin weita y convence bo mes ta ken ta bende mas barata!

Complot descubri na BULGARIA

14 general a keda arresta

BONN, 15 di juni — E radio-emisora anti-comunista „Europa Liber“ cu ta establece na Muenchen, Alemania Occidental, a anuncia cu for di diferente fuente independiente nan a ser informada cu na Bulgaria por lo menos cuater general a ser retira for di nan puesto, despues di un complot a ser descubri cu tabata destina pa tumba e actual gobierno y establece un gobierno cu tombe ta comunista.

E gobierno nobo aki, cu apesar ta comunista lo mester hiba un politica mas independiente pa cu Kremlin. Ademas tabata e intencion pa hiba politica economico interno menos severo.

E intento di revolucion mester a tuma lugar na Maart pero el a fracasa pasobra un di e generafnan a hunga un doble papel. Segun un noticia cu te ainda no ta oficial un cierto cantidad di persona ta arresta. Pero e participante nan mas principal na e complot te ainda no a ser captura.

Esnan cu a ser arresta a hanja retiro di nan puesto y a ser traslada pa ciudadnan den provincia bandona.

DESPEDIDA A LA PANAMENJA

ORANJESTAD — Diamars ultimo, den e luhoso Aruba Caribbean Hotel, Doña Blanca Esquivel de Garcia de Paredes, senjora di e consul nobo di Panama na nos isla, a ofrece un agasajo di despedida na un compatriota.

Den un esfera agradable sra. di e consul y algun persona mas a tuma despedida di un Panameña sra. Grace Bejarano de Goebertus, senjora di sr. W. H. Goebertus, kende den e ultimo anjanan tabata encarga cu e agencia di KNSM na nos isla. Manera ta conoci e Goebertusnan lo viaha pa Bogota, Colombia, na unda sr. Goebertus a hanja un nombracion nobo.



NAOMI STEVENS den Klompen Klub

ORANJESTAD — For di dialuna venidero lo presenta den Klompen Klub di Aruba Caribbean Hotel e cantarina Naomi Stevens. Segun nos ta informa ta un bunita blondina cu un bon alt. E cantarina aki ta brinda un programa cu pa un parti ta di propio composicionnan. Tambe e tin por ejemplo den su repertorio chansons di Edith Piaf den propio traducion. Cancionnan popular di e atractiva Naomi ta „The pen is mightier than the sword“, un gracioso carta abierta na e ex-president „Dear Ike“, „Monotomus“ di Eartha Kitt y „Did I get stinkin' at the Savoy Club?“

BONDNAN HUNTO TA CELEBRA ONDERWIJSDAG

ORANJESTAD — E bondnan hunto di enseñanza, R. K. Onderwijsvereniging St. Thomas, Arubaanse Onderwijs Bond y e Protestant Christelijke Onderwijzers Vereniging Aruba ta organiza dia 21 venidero e „Onderwijsdag 1961“. E lugar cu a worde escogi pa esaki ta e Centro Cultural na Oranjestad.

E dia particular aki lo cuminsa pa nuebe or cu un introduccion pa sra. dra. J. I. C. G. Prick y dr. F. J. E. Hogewind tocante „E rendimientu di enseñanza primaria“. E tratamiento di e tema aki lo socede a base di e experiencianan haci na Aruba durante e investigacion psicologico di adspirant hursalen. Despues di pauza preguntanan lo por ser haci.

Na ocasion di e hecho, cu e anja aki ta un siglo pasa, cu e Rahindranath Tagore a nace, e programa di anochi a worde completa dedica na e gran poeta y filosofo aki. Sra. Joekie Broedeleit lo tene anto un introduccion corto tocante algun aspectonan di e obra di Tagore, despues di cual algun maestronan di scol lo presenta un comedia di Tagore den dos acto titula „De brief van de Koning“. E direccion di escena pa e comedia aki ta den man di sra. Joekie Broedeleit. Den e comedia ta hunga A. J. Steinfors, sra. B. E. Every, sra. R. Geurts, sra. D. J. Rebel, C. L. Zievinor, J. F. de Mañe, R. Halley, G. Vellinga, D. J. Mijnders y H. Derogee.

FIESTA NO TA SIGUI

ORANJESTAD — E fiesta cu e personal di KLM lo a organisa den Palm Beach Club awe noch na honor di e stationschef di KLM senjor C. E. Kelenboom, en conexion cu su 25 aniversario den servicio di e compania menciona, no por tuma lugar mas. E hubilario mes ta haya cu en bista di e reciente desastrenan cu e avionnan di KLM ta mehor pa evita hacimentu di fiesta.

NO MESTER BAI CORSO MAS PA HANJA VISA MERICANO

ORANJESTAD — Den un comunicado Voorlichtingsdienst di Aruba a duna e siguiente noticia: „Bestuurscollege di Territorio Insular di Aruba a busca contacto cu e Gobierno di Antillas Hulandes, cu e intencion pa laga investiga na ki manera hanjamento di un visa pa Estados Unidos di America door di un ciudadano di Aruba lo por worde facilita.

Na e combersacionnan cu a worde hiba en conexion cu esaki e Consul General di Merca sr. M. V. Pallister a muestra cu actualmente e posibilidad a worde crea pa hanja extension di visa por escrito.

Un ciudadano di Aruba cu ya ta den posesion di un visa Mericano pues no tin cu viaha mas pa Corsow pa hanja un extension di tal visa, como cu esey actualmente por worde regla por escrito.

„CONOCE BO FE“ DIADOMINGO AWOR

ORANJESTAD — E programa radial di Centro Apostolico Aruba „Conoce Bo Fe“ cu ta tuma lugar e di tres diadomingo di cada luna, ta worde presenta diadomingo awor atrobe for di 6 or y mei pa 6 or 45 via Radio „Kelkboom“. E biaha aki un miembro di e „Legion di Maria“ di San Nicolas lo papia tocante e prome lustro di e Legion di Maria na Aruba. E charla aki ta worde teni na Papiamentu.

MAS DI 6000 HENDE A MIRA TENTEN BEROM

ORANJESTAD — Diarazon ultimo a tuma lugar den Teatro Principal na San Nicolas e di nuebe y ultimo presentacion di „Tenten Berom“ e comedia di e Trupialen Junior, cu a causa asina tanto furor, riba e isla. Manera di costumbe e sala tabata jen jen atrobe, y cu e publico di e atardi ey e cantidad di hendenan cu a mira Tenten Berom, a jega te na 6000, mas di un diez parti di nos poblacion.

No a keda Tenten Berom, e biaha aki no bau di influencia di bebida, otro cos cu di gradici tur e personanan cu a juda obtene e exito asina grandi. Nos a hanja tende algun di e nombrenan cu el a menciona. Nan ta: Frère Paulus y Frère Adrianus, Zuster Irena y Zuster Dorothea, De Veer Chain Theres, Veterinaire Dienst, Aruba Trading Company, Mario S. Arends y Niki Habibe.

„DE PRINS VAN SIND“ TA TREK SALANAN JEN

ORANJESTAD — Dos presentacion a ser duna eha na Oranjestad di e comedia „De Prins van Sind“ y un sala jen tur dos biaha a gaza di un actuacion jen di talento di hobennan Arubano. Diadomingo anochi e opereta aki di cinco acto y cu ta baha riba e „1001 Anechi“ a tuma lugar den Centro Cultural. Pa duna e muchanan y tambe varios hende grandi un e sportividad e organizadornan a hanja cu ta bon duna un segundo presentacion diarazon ultimo na Oranjestad.

Mas di cien muchacha tuma parti den e opereta aki, bati direccion di sra. Mac Donald, cu gran ayudo di e damanan A. Roumou y V. Moor e kendenan a percura pa e coronan a baei asina un bon impresion durante nan dos actuacionnan tras di lomba.

E orkesta di violin di hobennan Arubano, bati direccion di sr. Ad Stenzen, a baei un trabau manera maestronan grandi, companjando e opereta durante su duracion.

„De Prins van Sind“ ta kaga e presentacion goza pa mas di dos hora di e alegria y tristezanan di bida den hopi siglonan pasa. E ta muestra e prins, kende a fada di su estudio, y ta mas interesa den konkista un bunita princesa, cu sin embargo ta mas duro pa trahia. E princesa aki tabata den gara di 1773 Spiritu Mado, cu tabata sa haci e princesa pone prueba nan duro riba e prinsnan cu a bin pretende pa su mar.

E destino di e prinsnan tabata trista, ya cu nan no por a cumpri

DIA DE LOS PADRES

Kiko lo laga PAPA keda contento?

HOLOSHI ZODIAC

- * banch'i holoshi
- * lighter pa cigar
- * pipa
- * estuche pa cigar y ciga
- * sambechi
- * cadena pa yabi
- * mancornia
- * glas special pa cerbez cu pedestal di plata
- * korki di adorno
- * wekker

☆

- * Bril di solo
- * verrekijker
- * camera
- * projector

ODUBER & KAN

OPTICA

TEL. 1193
NASSAUSTRAT 47
ORANJESTAD



BONNAN DI SIMAN DI BUKI POR WORDE CAMBIA TE CU DIASABRA

ORANJESTAD — Te cu diasabra 17 di juni venidero, por cambia e bonnan di siman di buki. Esakinan por worde cambia na Aruba Boekhandel na Oranjestad. Despues di e fecha ey e bonnan no tin bator mas.

Diestres morto na West Falia como consecuencia di polio

DUSSELDORF, 15/6 — Diestres persona a muri te awor na West Falia como consecuencia di polio. 233 persona ta hospitaliza na diferente ciudad y en particular na Colonia, Aquisgran, Soest y Dusseldorf.

Awe Sr. Stikker lo topa cu president Kennedy

WASHINGTON, 15 juni — E secretario-general di pacto di organizacion Nort-Atlantico, mr. D.U. Stikker, a papia mas o menos un ora largo cu ministro Mericano di relaciones exteriores, Rusk, y hoofdambtenaarnan di ministerio di Rusk.

Despues di e entrevista senjor Stikker no kier a duna ningun declaracion. El a bisa di ta spera, cu lo e tin un entrevista en prensa prome cu e sali for di Washington. Dia viernes senjor Stikker lo topa cu presidente Kennedy. Diadomingo lo e regresa Paris.

H. S. CROES STORE

E tienda mas popular y mas baroto di Sonto Cruz

ta anuncia wega di JUNIOR LEAGUE pa awenochi,

16 di juni pa 8.00 p.m.

den WILHELMINA STADION

ADAMS CHICLETS vs. COCO-RICO
(Sta. Cruz) (Ostad)

Si ba kier cumpira barata y articulas di primera calidad, anto bishita nas af jama telefaan 1068 y tur cas ta worde entrega te den porta di bo cas.

K. N. S. M.

A black and white photograph of a street scene in Amsterdam during the liberation of the Netherlands. A large banner hangs across the street, reading "WELKOM AFG. OP DE TIVOLI CLUB". Several vintage cars are visible on the street, and people are walking on the sidewalks.



E "Debutantenbal" ta un otro iniciativa cu Aruba Tivoli Club a tuma den e cuarenta añanan di su existencia. Aki riba por mira e senjoritanan cu Tivoli Club a introduci na 1960 den e sociedad di Aruba.

TIVOLI A NACE 40 ANJA PASA

Cont. di pag. 2

ocasion di e 22 aniversario di Tivoli, nan a organiza loke a ser jema e "Victory Dance", como un homenage na e puebloan aliado cu ta biba v

lucha pa libra mundo for di e garranan di un esenjo barbero, cual su intencion tabata pa haci e nacionan liber esclavonan y pa domina mundo na su manera", segun un expresion di e presiden e di Tivoli den su discurso durante e baile di e anochi ey. Despues a tuma lugar e "Victory-Parade" bau direccion di sr. Petersz y den cual paraba un cuarenta damas a tuma partibisti cu bandera di un di e paisnan aliado. Prensa di e tempo ey a jama e acontecimiento aki "un espectáculo extraordinario di figuranan jena di colorido cu na e momento ey a aparece dilanti wowo di e presentenan". E grupo di damas aki na final a forma e

letter "V" di e victoria di e aliadonan. A papia tambe durante di e baile aki Gezaghebber di Aruba e tempo ey L. Wagemaker kende a jama esaki un bon idea di Tivoli pa laga e celebracion di nan 22 aniversario ser alavez un homenage na e puebloan aliado.

Tradicion di mas hoben

Un di e iniciativanan di Tivoli cu ta indica cu e tambe lo por bira un tradicion ta e Baile di Debutanten (Debutantenbal) cu cual nan a principia pa prome biaha un tres anja-pasa. Den e baile aki e senjoritanan hoben den trahenan luhoso pa haci pa prome biaha nan entrada den e bida social y esolita pa nan joncuman nan baila nan prome walsnan.

Te cu awor e baile aki semper a wordi tona cu masia hovi exilio y ta rintrable cu anja pa anja e ta bira mihor.

E caridad di otro iniciativanan di Tivoli manera e festa di San Nicolas di tur anja e diferente dancenan manera p.e. di Pa-cu, v. tur e otro succionan chikito ta mucho hopi pa mencionan.

40 anja di bida salud

E cuarenta añanan y cu lo keda completa otro mañan lo keda marca como 40 añanan jena di salud di un Club cu durante tur e temponan aki a sali na distingui su mes rba diferente tergenonnan. Den cuakier aconecimienro grandi o chikito semper Tivoli tabata algo di haci, gita pa su presidentenan despues di e dos dokternan pa sr. A. G. Th. (Wat) Arends y Arturo M. Arends. E club semper a keda den moción no obstante algun momentonan triste cu morto di un o otro miembro. E entusiasmo pa semper keda biba den un ambiente agradable pa loke ta caracteristica mas e existencia di Aruba Tivoli Club, e club cu ta carga e nomber di e club social mas bieuw di Aruba" cu tur razen.

OBISPO DI CAMAGUEY A HAYA ORDEN PA BANDONA CUBA

HAVANA, 14 di juni — Di Fuente fidedigno na Havana ta bini e noticia cu e obispo di Camaguey, Mar. Rio Angeles, a haya orden pa dentro di 48 ora bandona Cuba. E obispo y diferente pader y seccionan tambe mester bandona Cuba a yega Havana.

Ta parece sinembargo en e autoridatnan nacional no ta asina severo manera esnan provincial y en e termino di 48 ora lo ser prolonga.

Actualmente lo tin na Camaguey algun pader. Tur misionan ta cera, Camaguey ta e unico di e seis provincianan Cubano, unda despues di e invasion francesa na April incidente contra Iglesia a tuma lugar.

Despues di esey diferente comunidatnan religioso a bandona e provincia.

Monsenyor Rini Angeles probablemente lo bandona Cuba cu e baport Spanjo "Candahupe", pa cual su mas cu cien pader y seccionan a compra pasashi.

Na Havana trinta pader Spanjo, entre cual algun befanan di school y diescho Jesuita, a haya orden pa bandona Cuba.

Asallonan na Tirol a causa un morto y hopi danjo material

BOZANO, 14 di juni — E consecenciannan provisional di e asallonan cu dinamiet durante e ultimo dianan na sur Tirol ta un morto y mas o menos un miliard Lire na danjo material, especialmente na instalacionnan electric y cablenan di alta tension. Tres central di electricidad no ta funciona y diferente fabricannan mester a cera pa falta di corriente. Polis a detene un homber pa interogio, despues cu nan a haya 100 kilo di explosivo.

Suspension di e conferencia na Evian no a bini inespera

EVIAN, 14 di juni — E noticia cu e conferencia na Evian a ser suspensa riba iniciativa di e delegacion Frances no a bini completamente inespera.

For di dia cu e conferencia a cuminsa dia hini di mei, e delegacionnan a reuni diestres biaha. For di cuminsamentu tur dos partido tabata yama e ambiente correcto pero nan no a logra di sali for di e ambiente di orientacion, door cu tur dos e delegacionnan a queda riba nan punta di bista.

Tivoli ta conoci pa su trahenan y disfranjan adecuado durante tempo di Carnaval. E foto aki riba a ser tuma durante un di e tanto fiesta-nan Carnavalesca den e club aki. Tur loke por mira aki riba ta un grupo di damas y caballeros contento cu a pone tur preocupacionnan un banda.

Cumpleanjos



Recientemente a celebra su fecha natal e simpatica y encantadora srta. Bernadetha Lopez. Hopi felicitaciones ta bini di su eslinada mama Leonetha Kock, di su prima Lidia, Gladys Odor, Myrna Winterdaal, Sonja Theyssen, Hilda Paula, Catharina, Ana Dorothal, Gala Lopez, primo Roy Theyssen, Juan Carlos Dorothal, amiga Rosa, Lena Maduro, Grace Maduro, Susana Maduro, Tina Carmen Filomena, Maria y Lucia Weaver, Annie, Elsa Lampe, amigo Lino Ezy Lampe y Chommy Dirks, y demas familia Kock, Lopez y Theyssen.

Ta celebrando su feliz cumpleanjos e jovenito Denny Martijn. Hopi felicitaciones ta bini di su mama, tata, rumannan, Olga, Aida, Myrna, Ligia, Ade, y Lula, tambe di su rio y tianan, welanan, primo y primanan y demas familia Martijn, Evertsz, Martes y Maduro.

Awe ta cumpli un anja mas di felix existencia e caballero Juancito Maduro. Hopi felicitaciones ta bini di su mama, 10 rumannan, su omo y tanta-

nan, welo Jan Pieter, welanan Emilia y Amelia, su conyanan Margo y Excolastica, su amigonan di postkantor, su amigo Ismael Bislik, amiganton Theresia y Violet y especialmente di un inolvidable amiga.

Awe ta celebra su feliz cumpleanjos sr. Juan Tromp. Felicitacion ta bini di su mama, tata y rumannan, tambe di su sobrinonan Anthony Geerman, Alvo Tromp, Rosita y Stella Sing, tambe felicitacion ta bini especialmente di su enamorada Ina Tromp, y demas familia Tromp, Sing, y Geerman.

Ta cumpli 18 anja e simpatica y encantadora Srta. Greta Geerman y ta ricibi hopi felicitaciones di su mama, tata, tur su rumannan, primo y ondonan, primo y primanan, sobrinu y sobrinanan, conyanan y tambe di su amiganton di school y un amiga ta laga felicitacion Greta y dese'e hopi anja mas di bida, y demas familia Geerman.

Ta cumpli 13 anja awe e hobencita Vilma Paris. Hopi felicitaciones ta bini di Greta Winterdaal y di su pepe Caridad Winterdaal.

Bishita di pareha real Belga pa Inglatera a ser suspensi

BRUSSEL, 15 6 — E bishita oficial di rey Boudewijn y reina Fabiola na Inglatera enal mester a tuma lugar di dies te diestener di juli a ser suspensi te cu otro fecha.

E situacion di reina Fabiola y e precaucion cu dokternan a prescribi pe a obliga e pareha real Belga pa pidi la reina di Inglatera acepta un suspension di e bishita. Reina Isabel a contesta cu gustosamente e lo cumpli cu e peticion aki. Easki segun un comunicado oficial.



DIA DE LOS PADRES PAPA lo goza un caha di AMSTEL



LICORES ARUBA N.V.

NIEUWSTRAAT 36 — TEL. 1094

E VIOOL

Pa : LOUISE DE VILMARIN

Traduccion: E. S.

Felipe tabata un persona cu mi conoce basta tempo. Di e amistad cu nos tabatin lo bo a kere cu ta prima nota, i tin biaha e tabata confia mi hasta su secretonan. Felipe tabata gusta joag, leza i biaha; E tabata biba un bida liber i su sonrisa ta pone bo recorda un flor fresco cu a caha di habri. E tabata haltu, su wowonan tabatin color berde i e tabata banja masha admiracion di e sexo femenino.

E tabata biba na Avenida Jean Baptiste Clement, na di tres piso. E anja anterior el a wordi spierta pa un yamada di e telefon. A socede cu tabata su ruman Olivier. Olivier tabata drumi riba cama na un hotel na Geneve i ora Felipe a pumte ta kico tabata pasando cu el a yamete asina templan esaki a conteste cu e tabata tur despusa.

"Bo no a ricibi un carta ainda?"

"No."

"Tende un cos aki Felipe."

"Si?"

"Que lastima..."

"Tende aki Olivier, papia un cos cla Bo a saca mi for di mi cama i lo mehor cu lo bo por haci i bai conta mi loke ta pasando."

"Mi, esei no ta nada menos cu un desgracia!"

"Bo no tin intencion di comete suicidio of algo por estilo?"

"Casi. Bo sa Felipe, mi ta malu!"

"Malu? Ta kico falta bo anto?"

"Ay si, esei nunca bo no por supone. No hari, pero mi tin sarampi. I awe manta Maria ta vega na Le Havre bo por haci mi un labor i bai busquele. Mi a reserva cuarto po na Hotel Vendome i nu a scurbi tambe mi carta

Congolesnan a arresta Hulandes Rodermond

LEOPOLDFEAD, 15 6 — Segun circulanon fidedigno na Leopoldstad e Congolesnan a arresta e Hulandes Sjoerd Rodermond.

Testigunan a declara, cu senior Rodermond tin cooperador di radio (Christian y corant) a ser transporta bon di vigilancia for di Stanley Hotel. El a bai den su mes auto. E tabata acompaña di un ambtenaar di servicio secreto di gobierno Congoles y polis arma. Embajada Hulandes a participa cu e tin ainda nan no a logra haya su libertad.

Nan ta sospecha cu senior Rodermond ta presu den prison di Malaka.

Di banda di autoridatnan Congoles nan no a duna ningun motibu pa e detencion.

curioso cu bo por large leza".

"Sarampi! Ki lastima! Si, mi por imagina mi com bo ta sinti bo. Ta hopi tempo e ta keda na Francia?"

"Mi no ta kere. E ta keda un paar di dia na Paris i ayanan e no conoce ningun persona. Haci algo p'e, bai come enue of bai cine — mi ta large na bo enenta. Mi ta bai cera e telefon awor pasobra mi cabes ta bati i mi tin un kuntura haltu.

"Pobereito!"

"Si, mi mes tin duele di mi mes! Maria a yega Paris — i mi ta drumi aki en sarampi. Mi ta confia riba bo, Felipe!"

"Naturalmente bo por confia riba mi, i mi ta bini mas pronto posibel cerca bo!"

"Bueno, mi ta spera bo. Kizas bo ta scucha nei mi ultima palabranan!"

Madame Amblain tabata cu Felipe masha bon. Tur manta ara cu Felipe tabata bai trabao e tabata scucha i asina cu e tende su staphan e ta habri e porta pa dímelo su curtiyan cu esaki tabata registra mientras e ta bai saca su auto for di garage.

"Senior, awe ta un carta so tin", el a bisa e manta ei y conto e ta spair estampilla el a confirma: "Eni estampilla di Suecia..." i mi ta supone cu ta escurita di bo ruman!"

"Si — mi tabata spera un carta di die!"

"Mayoria parti e ta manda un kaarti saludos for di Rouen!", ampie cu e ta na Chicago! Sigur ta pa bula e polis-

"La pakico e ta trata di bula e po-

"E ta sigi,

Agenda

ARUBAANSE COURANT
diariamente cu excepcion di diadomingo

Edita pa:
M.V. ARUBAANSE DRUKKERIJ, 88
UITGEVERERS- EN PUBLICITEITS BIA
Kesselsstraat 88 - Oranjestad, Aruba N.A.

Abonacion 73.— page adelante
Edicion suelta 20 ct.

Telefon:
1118 Directa y abando
2118 Redaccion y abonacion
Directeur-hoofredacteur: D. Wolf

morin na M.V. Drukkerij "De Star"
Edicion suelta obtenible na 20 cent na:
Union Store, San Nicolas - Roekhaan
Mariska, Oranjestad - y Cabana Shop,
Aruba Caribbean Hotel

CINE

Diabierne 16 di juni
DE VIER: 3.30p. "Operation Petticoat" A.L.
RIALTO: 8.00p. "The creature from the
Black Lagoon" A.L.
PRINCIPAL: 8.00p. "The perfect Fur-
loush" 18 J.
AURORA: NO TIN CINE
SAVANET: 7.30p. "The rise and fall of
"Legs" Diamond"

PARTERA

Zr. Th. E. Gibbs, Wilhelminastraat 22,
Oranjestad, tel. 1335.
Zr. J.E. van der Mark, Rondweg 3, Oran-
jestad, tel. 1337.

WIT GELE KRUIS

Oranjestad: Zr. Evelyn
San Nicolas: Zr. Perpetua
Santa Cruz Zr. Ludovic
Hospital San Pedro di Verona tel. 2200

BOTICA DI WARDA
Oranjestad: BOTICA ARUBA tel. 1080.
San Nicolas: BOTICA SAN LUCAS tel. 5119

POSTSLUITING

Vrijdaa

Caracas 9.00 & 16.00, Europa 9.00 & 13.30
Miami 9.00, New York 8.30 & 13.30,
Caracas 13.30, Suriname 13.30, Mexico
9.00.

RADIO VICTORIA

Diabierne 16 di juni

11.00 Apertura
11.15 El Mundo Femenino
11.30 Melodias di Merdia
12.00 Ultimas Noticias
12.15 Musica Sagrada
12.30 World News
12.45 Organ Memories
1.00 Radio Concert Hall
2.00 The Reading Room
2.15 Sacred Songs
2.30 The Quiet Hour
2.45 Ensenos Musicales
3.15 Cafe con Musica
3.30 Luz y Verdad
4.00 Musica di Banda
4.15 Eronan Celestial
4.30 Radio Kid's Bible Club
5.00 Jovax del Hogar
5.15 Palabranan di Bida
5.30 Interludio Musical
6.00 Ultimas Noticias
6.15 Ensenos Deportivos
6.30 Noticias Hulandes
6.40 Musica Clasica
7.15 The Bandstand
7.30 Unabridged
8.00 World News
8.15 Off the Record
8.30 Back to the Bible
9.00 Musical Gems
9.30 Haven of Rest
10.00 World News
10.15 Hymns that Live
10.30 Sign Off

RADIO CARACAS

TELEVISION

Viernes 16 de junio
6.35 Patron de Radio Caracas Television
6.45 Informacion sobre los progr. del dia
6.50 Documentales
7.00 El Calendario de mama
7.10 Cosas de Mujeres
7.20 La Perfecta Ama de Casa
7.30 La C.V.R.T.V. Informa le Nacion
7.40 Su Telenovela "FAB"
7.50 Show de Saume
8.00 El Imparcial Television
8.10 Punto y Aparte
8.20 Club Femenino
8.30 Estudio de Hector Monteverde
8.40 Teletantasia
8.50 Club de los Niños
9.00 Cincuentadas Kukery
9.10 Show de Benny
9.20 La Novela Ammen
9.30 Cuatro Homres Justos
9.40 El Observador Creole
9.50 La novela Fab-Vorita
10.00 Documental
10.10 La novela Camay
10.20 Amador He dayan en T.V.
10.30 Teatro Helena Curtis
10.40 Documental
10.50 CinePrograma
11.00 Informacion sobre los Programas de
Majana
12.10 Marcha Oficial, Himno Nacional

Dorlicos a ricibi comision Mericano na Havana

HAVANA, 14 juni — President Dor-
tics di Cuba, ayera a ricibi e comision
Mericano qu a bai Havana pa negocia
tocante entrega di tractornan pa libra
1214 presu.

Prome cu esey e enater negociantenan
Mericano a bishita un hospital na Ha-
vana, unda e presuman ta for di dia cu
nan a cohe nan presu na april.

lisan?"

"Wel — ta pa esei e polisnan tci
nos?"

Sonriente Felipe a keda mira Ma-
dame Amblain i esaki a baha su wowo-
nan.

Pero mi ta bisa bo cu no tin nin-
gun motibu di hari, pasobra mi ruman
tin sarampi!"

"Kien? Na e edad cu e tin ei?"

Felipe a saca e carta for di e envelop
y a hinke den su saco. E encuentro el a
duna madame Amblain, kende a gra-
dacie i a sigi su dilanti pa e bai habri
e porta di afor p'e.

"Awe ta binita weer pa San Juan",
madame Amblain a comenta.

"San Juan?"

"Awe ta 24 di juni — es dia di mas
largu di anja!"

"No — awe ta dia 23"

"No senior, awe sigur ta dia 24. Ata
ki convence bo mes?"

I ta dret rond i cu un silial den di-
reccion di su cuarto el a mustra na e
kalender cu tabata cologa na muralla.
Tabata berdaderamente dia 24 i dia-
sabao.

Felipe a balza su schouder impacien-
te y a murmurar: "tanto ta awe Jacques
Muller a haci anja — i mi a conbidele
tudo pa e bai come cu mi. Wel, mas
mal no por tabata!"

El a keda mira asina desgusta cu ma-
dame Amblain a spanta. El a bolbe
balza su schouder i saliendo afor el a
dal e porta asina dunn cu e glasan a
sacudi.

E ta sigi,

WAT TIVOLI DOET DOET TIVOLI GOED

Nos mehores deseos na directiva y miembros di

ARUBA TIVOLI CLUB

ODUBER & KAN N.V.

KAN N.V.

Wat Kan kan kan alleen!



FOR SALE
1958 Buick convertible
Fis. 2500 — cash
Telephone 2250 extension 131
or Miss Perry

TE KOOP
EEN NAAIMACHINE
MET INGEROUWDE KAST
Zo goed als nieuw
Voor inlichtingen: Tel: 2524
of Celsiusstraat 17

Alsen Cement

UN PRODUCTO DE CALIDAD!
Pa tur circunstancia
un producto ideal.
ARUBA TRADING CO.
TEL. 1930

TA HUUR
UN CAS
situa na Klipstraat 7
Pa inf.: Tel. 1359

Pa mehor recepcion:
T.V. EMERSON

Modelo 1644
Cu su pantalla gigante di 23"
Tur modelo ta garantiza:
* imagen cla.
* facil pa handle
* material fuerte
* sonido perfecto
ARUBA TRADING CO.

CEMPRO N.V.
Wayacka - tel. 2444
PA TUR BLOKKI PREFAB
BAIKI RIBA BENTANA
CEMENT DI PRIMERA CALIDAD

TEL. 1637 RONDWEG 49
Bloemenhuis ROZENoord
pa
FELICITACION DI
NACIMIENTO
Laga un experto haci bo trahosa

Bo no por haye otro lugar?
Pasa auto na
KEES GROCERY N.V.
TEL. 1079-1918


De geur van 'n Ritmeester...
Maar aan de geur alleen hebt u niet veel.
'n Ritmeester moet u roken!
Neem 'ns zo'n geurige Fiat en u
weet wat wij bedoelen!

FIAT 5 stuks f. 1.30
elk Ritmeester merk een meesterwerk

IMPORTRICE:
E. & G. MARTIJN (ARUBA) LTD. TEL. 1492-1493




VRIJE KEUZE UIT JET ROUTES NAAR EUROPA
meer KLM jets dan ooit tevoren!



Bewaar deze advertentie, als u binnenkort naar Europa gaat. Ze toont u dat de KLM u snelle, rechtstreekse jet-vluchten biedt, maar ook routes via Mexico, Montreal of New York voor zaken of extra vakantie op het Westelijk halfrond. Welke keuze u ook maakt, alle oceaantvluchten per hypermoderne DC 8 jet, overal die prettige, persoonlijke KLM service. Reserveer tijd bij uw reisagent of het KLM kantoor.
Vraag volledige inlichtingen over de VASA/KLM DC 8 diensten.

KLM
KLM Sincerely yours!



Johnny Nash, popular cantante diarazon awor na Aruba

ORANJESTAD — Varios criticonan a usa palabranan pa describi voz di Johnny Nash: natural, frankilo, calido, sorprendentemente hecho, suave, emocional — pero tur e descripcionnan ta bai den un conclusion: un homber hoben cu talentonan superbo, kende lo sigi existi hopi tempo despues cu hopi artista di mesun tempo cunele a dispare for di memoria di e publico.

Esaki y hopi mas nan ta bisa di e cantante Johnny Nash na Merca, na unda el a nace na Houston, Texas. Diarazon awor lo e duna su prome actuacion na Aruba, gracias na esfuersonan haci pa Caribpress Advertising Aruba pa trecele nos isla, na unda e lo duna dos actuacion, cu no ta comeci ainda na unda.

E cantante hoben aki a bai scol den su ciudad natal te medio 1957, durante cual anja el a gana dor di e „Arthur Godfrey Talent Scouts“. Sr. Godfrey, kende algun luna pasa a bishita nos isla tambe, e ora ey a invita Johnny pa presenta como un di e regularnan den su show di television diario.

Cantamento semper tabata un parti importante den bida di Johnny. Na edad di cinco anja el a canta den e Programa di Pascu di Resurreccion di e misa den su parokia. Un anja despues el a uni na e coro hubeni y na edad di diezdos anja el a bira un miembro di e coro regular di e misa.

Johnny tabata traha na Houston Golf Club y frecuentemente su companjeronan di trabau, y tambe e miembronan di e club, tabata pidiele pa entretene nan cu su canto. Un di e miembronan di e club tabata Frank Stockton, un homber bon para na Houston, kende a puntra Johnny si algun bishita el a pensa di canta na television.

E prospecto aki a parce e mucha di

dieztres anja aki manera un sonjo. Nan a regla un actuacion pe na KPRC-TV na Houston y nan a pidiele pa canta na e „Matinee“, un show regular den horanan di merdia. El a keda na e show aki pa tres anja largo.

Durante di e periodo aki, artistanan di Paramount a worde invita pa bishita e show aki. E representante local di Paramount a tende Johnny Nash canta durante di e show y mesora el a pidi nan pa manda un tape pa ABC Paramount Recording Company na New York.

ABC Paramount a gusta loke nan a tende y pronto lage firma contract pa graba disco.

Un di su numeronan favorito ta e numero „best-selling“ titula „A Very Special Love“.

Durante e ultimo dos anjanan el a presenta regularmente na e show di television di Arthur Godfrey, den horanan di mainta, pa gran deleite di su mijones di admiradornan.

Recientemente el a regresa for di Hollywood na unda el a caba di completa su papel cinematografico den „Take A Giant Step“, cual pelicula pronto lo ser presenta pa Hecht-Hill-Lancaster. Mas comentari tocante Johnny Nash no ta necesario, nos ta kere.

Zorin la bai Washington siman entrante

NEW YORK, 15 juni. — Zorin e lider di delegacion Ruso cerca Nacionnan Unie, a declara durante un lunch di e sociedad di correspondencia di prensa cerca Nacionnan Unie, cu otro siman lo e bai Washington pa tuma parti na intercambio di idea provisional cu gobierno Mericano, pa prepara negociacionnan di desarme.

Zorin a splica, cu e intercambio di ideanan aki, a ser conveni den un acuerdo entre Gromyko y Stevenson, cual a ser sera durante e sesion di asamblea general di nacionnan unie, na luna di april.

Declaracion di Rusk

E ministro Mericano di asuntunan exterior, Rusk a bisa den un declaracion di lanti comision di senado pa adjudicacion, cu Kennedy lo continua cu esfuersonan intensivo pa pone un fin na e competencia di armamento. Aunque e resultadonan di e conversacion cu Chroestef na Vienna no a duna muchu motibo pa optimismo.

Rusk a insisti, pa reduci un economizacion di 31.890000 dollar cu e cumara di diputado a trece den e presupuesto propone pa departamento di estado, te na dos trecio. El a-bisa cu nan ta haciendo un estudio especial di e posibilidad di ataquenan sorprendiente, guerra pa equivocacion di desarma.

Normalisacion di relacionnan

E asamblea general di Alemania Occidental a acepta unanimamente e recomendacion di su comision pa asuntunan exterior den cual nan ta pidi gobierno pa normalisa e relacionnan entre gobierno di Alemania Occidental y paisnan di Europa Oriental.

Na esaki nan ta agrega si cu esaki no tin mag sosode riba custodia di interesnan vital di Alemania. Na prome lugar gobierno lo mester dedica su mes na un mehoramento di e relacionnan economica y cultural di Alemania Occidental cu e paisnan ey.

A.S.U. OLIMPIADA: Cricket y Biljar lo ta local

(Di nos redactor deportivo)

Como cu for di Maracaibo no a worde riebi ningun reaclon ariba e invitacion extendi pa manda un equipo di cricket pa bin hunga durante e Septimo A.S.U. Olimpiada, a worde dicidi door di e organisadornan pa lubida riba un wega internacional. E dos partidandon cu ta aparece riba e programa di e Olimpiada lo ta pues entre equiponan local. E promer di diasabra 24 di juni lo ta entre Golden Rock y un combinacion di St. Maarten Cricket Club y White Wall. Diadomingo e team di St. Eustatius Cricket Club lo topa cu un seleccion di e otro equiponan.

Biljar ta corre e mes un rumbo ya cu for di Colombia no a worde riebi ningun contesta definitivo ainda. E enuentronan di biljar pues lo ta entre hungadornan local.

E enuentronan di softball lo ta, esun femenino, entre Nesbitt y Dakota Stars, y esun masculino entre St. Nicholas Stars y Los Novatos. Dos interesante wege cu lo atrae hopi fanatico.

Pa spearfishing a inscribi te ainda unicamente dos team. Mas ta worde spera ainda y e practicadornan di e va-

Epidemia di influenza na Manilla a causa varios morlo

MANILLA, 15/6 — 24 Persona a muri te awar aqui como consecuencia di un epidemia di influenza cu e poblacion Filipina ta sufri actualmente. Entre nan tin 20 mucha di e ciudad Cebu, un di e ciudad mas importante di e pais. E otro cuenter personan a fallece na Manilla.

ANTON HUNINK'S
BOERENMETWORST



Niet voor de poes!

SUAVE Y AGRADABLE
CIGARIA ANTILLANA
AGENTE PA ARUBA: J. H. CROES, AURORA BAR, TEL. 1041.

AWOR TAMBE NA ORANJESTAD SUPERCLEANING
Pick-up station Oranjestraat 26
(e caja dilanti di La Linda, den e edificio banda di General Store)
LABA - STRIKA - DRYCLEANING - PRESS
OFERTA ESPECIAL
Si bo laga dryclean 3 carson of 2 flus bo por scoge un **7 DISCO GRATIS!!**
Laga laba tur bo panjanan na **ORANJESTRAAT 26 — TEL. 2692**

HASI MAS USO DI ELECTRICIDAD



ELMAR

Condicionnan di instalacion y tarief ta worde duna gratis na nos oficina na Oranjestad y San Nicolas!!!

Kennedy a regala su hefe di prensa un encyclo-pedia barala
WASHINGTON, 15/6 — President Kennedy a duna su hefe di prensa, Pierre Salinger un encyclopedic medico barrata pa su cumpleaños. Salinger, ya ta un siman caba mester duna contestanan tocante situacion di president Kennedy, cu ta sufi di su lomba. Aunque cu e ta trata na contesta e pregunta mas mehor posibel, mayoria di nan preguntanan dificil riba terreno medico, tog e representantenan di prensa ta keha cu nan no ta hanya suficiente informacion.

VERF ANTILLANA



pa cada trabao di verf

COMOTEX
COMOFAT
COMOLUX

Calidad especial pa tropico — especialmente na gusto antillano

Obtenible na:
Antillean Hardware Store
Aruba Trading Co.
Maduro & Sons